

**Kalaallit Nunaanni pinerluttulerinermi inatsit malillugu
pineqaatissiissutinik il.il. nuussisarneq pillugu inatsiseqarnermut
ministerip aalajangiinissamut pisinnaatitaanerata Pinerluttunik
Isumaginnittut Pisortaqarfianut suliassiissutigineqarsinnaanera
pillugu nalunaarut**

Inatsimmik allanngorneri ilanngullugit nalunaarutiginnermi nr. 1187-imi, 18. september 2023-imeersumi, § 255, imm. 1-imi oqaaseqatigiit aappaat malillugu, aamma oqartussaasumut appasinnerusumut suliassiisinnaaneq inatsisitigut aalajangersagaanngitsoq malillugu aalajangersarneqarpoq:

§ 1. § 255, imm. 1-imi oqaaseqatigiit aappaat aamma pingajuat, §§ 257 aamma 259 malillugit Inatsiseqarnermut ministerip aalajangiinissamut pisinnaatitaanera Pinerluttunik Isumaginnittut Pisortaqarfianut suliassiissutigineqassaaq, taamaalilluni tulliuttut isumagineqarnissaat pisortaqarfiup isumagissavai:

1) Kalaallit Nunaanni pinerluttulerinermi inatsimmi § 255, imm. 1-imi oqaaseqatigiit aappaat malillugu, nakkutilliineq Danmarkimi suliarineqartussaq pineqartillugu, nakkutilliinerup nuunneqarnissaa pillugu aamma tassunga atatillugu piumasaqaatinik aalajangersaasoqarsimappat piumasaqaatit aalajangersakkat pillugit aalajangiisinnaaneq.

2) Kalaallit Nunaanni pinerluttulerinermi inatsimmi § 255, imm. 1-imi oqaaseqatigiit pingajuat malillugu, nakkutilliineq Danmarkimi

suliarineqartussaq pineqartillugu, nakkutillerinermi inatsimmi § 257 malillugu, aalajangersakkat erseqqinnerusut aalajangersassallugit.

3) Kalaallit Nunaanni pinerluttulerinermi inatsimmi § 257 malillugu, eqpartuunneqartoq tassani najugaqarpat imaluunniit allakkut tassani najugaqavissuuppat, inissiisarfimmi inissinneqarnissamik eqpartuussut naalagaaffiup ilaani tassani naammassineqarnissaa aalajangissallugu. Eqpartuunneqartoq naalagaaffiup ilaani tassaniissimappat, aamma naammassinninnerup tassaniinnissaa nalequnnerpaatut isigineqarpat, tamanna aamma atuuppoq.

4) Kalaallit Nunaanni pinerluttulerinermi inatsimmi § 259 malillugu, eqpartuunneqartoq tassani najugaqarpat imaluunniit allakkut tassani najugaqavissuuppat, Kalaallit Nunaanni tigummigallagaanissamik eqpartuussut nalaagaaffiup ilaani allami tassani naammassineqassasoq aalajangissallugu. Eqpartuunneqartoq naalagaaffiup ilaani tassaniissimappat, aamma naammassinninnerup tassaniinnissaa nalequnnerpaatut isigineqarpat, tamanna aamma atuuppoq.

§ 2. Nalunaarut ulloq 1. februar 2025 atuutilissaq.

Inatsiseqarnermut ministereqarfik, ulloq 20. januar 2025

Peter Hummelgaard

/ Niels Dam Dengsøe Petersen